

通志

欽定四庫全書薈要

吉林出版集團有限責任公司
海 天 出 版 社

欽定四庫全書薈要

史部
別史類

吉林出版集團有限責任公司
海天出版社

目次

書名	卷次	頁次	作者
通誌 卷一三六 沈慶之 沈攸之 宗慤 柳元景 殷孝祖 劉勔 魯爽 薛安都 鄧琬 宗越 吳喜 黃回 卷一三七 齊 諸淵 王儉 柳世隆 王晏 徐孝嗣 王琨 張敬兒 王敬則 陳顯達 崔慧景 李安人 戴僧靜 桓康 焦度 曹虎 呂 安國 周山圖 周盤龍 王廣之 垣崇祖 沈文季 劉懷珍 薛深 張欣泰 王奐 卷一三八 劉俊 崔祖思 荀伯玉 蘇侃 虞棕 胡 諧之 虞玩之 劉休 江祐 蕭惠基 張 岱 江謐 謝超宗 謝朓 謝顥 到搗 沈憲 沈沖 張融 王秀之 王瞻 袁象 劉祥 陸澄 王謚 劉璫 陸慧曉 孔稚 珪 周顥 庾杲之 江敷 何戢 蔡約 裴昭明 雇憲之 孔琇之 王遂之	卷一三六—卷一四九	二二〇—一 二二〇—二九 二二〇—八七	宋·鄭樵撰

書名	卷次	頁次	作者
卷一三九		二三〇—一三七	
梁 王茂 曹景宗 王珍國 席闡文 夏 侯詳 吉士瞻 蔡道恭 楊公則 鄧元起 張惠紹 馮道根 康絢 昌義之 張弘 策 庾域 鄭紹叔 呂僧珍 樂藹			
卷一四〇		二二〇—一六九	
沈約 范雲 韋叡 裴邃 江淹 任昉 柳惔 王誌 王瑩 王進之 王份			
卷一四一		二二〇—二〇八	
孔休源 裴子野 劉孝綽 劉峻 何遜 劉顯 劉之遴 明山賓 張充 褚翔 宗 夫 袁昂 庾革 庾於陵 蔡搏 江蒨 周捨 王僧孺 謝朓 謝幾卿 謝微 陸 倕 到沆 蕭琛 陸杲 庾仲容 蕭朐素 臧嚴 徐君倩			
卷一四二		二二〇—二六〇	
徐勉 何敬容 范岫 傅昭 傅岐 江革 許懋 殷鈞 陳伯之 陳慶之 蘭欽 賀瑒 司馬襲 朱异 顧協 徐摛 鮑泉 王神念 羊侃 羊鴉仁 胡僧祐 杜崱 徐文盛 陰子春 王琳 張彪			

書名	卷次	頁次	作者
卷一四三 候景 陳 杜僧明 周文育 侯瑱 侯安都 歐陽顗 黃法氈 淳于量 章昭達 吳明徹 胡穎 徐度 杜稜 周鐵虎 程靈洗 沈恪 陸子隆 錢道戢 駱牙 孫瑒 徐世譜 周敷 荀朗 周炅 魯悉達 蕭摩訶 任忠 樊毅 裴忌 韓子高 華皎 孔奐 王沖 王通 王猛 到仲舉 庾持 許亨 褚玠		二二〇—三二三 二二〇—三三三	
卷一四五 袁樞 蔡凝 沈衆 蕭允 韋載 趙知禮 蔡景歷 宗元饒 劉師知 謝岐 毛喜 沈君理 陸山才 沈炯 虞荔 傅縡 龐野王 姚察 江總 徐陵 周弘正 陸縉 張種 陰鏗 陳暄 杜龕 熊曇朗 周迪 留昇 陳寶應		二二〇—三七六	
卷一四六 後魏 衛操 莫含 劉庫仁 尉古真 穆崇 奚斤 叔孫建 安同 庾業延 王建 羅結 婁伏連 閻大肥 奚牧 和跋 莫題 賀狄干		二二〇—四一七	

書名	卷次	頁次	作者
李栗 奚眷 燕鳳 許謙 崔宏 張袞 鄧淵 長孫嵩 長孫肥 于栗磾 崔逞 王憲 封懿 卷一四七 古弼 張黎 劉潔 邱堆 娥清 伊馥 乙瓌 周幾 豆代田 車伊洛 王洛兒 車路頭 盧魯元 陳建 來大千 宿石 萬安國 周觀 尉撥 陸真 呂洛拔 薛 彪子 尉元 慕容白曜 和其奴 苟頽 宇文福 宋隱 許彥 刁靡 辛紹先 韋 閔 杜銓 屈遵 張蒲 谷渾 公孫表 張濟 李先 賈燹 寶瑾 李訢 袁式 唐和 寇贊 酈範 韓秀 堯暄 柳崇 陸俟 源賀 劉尼 薛提 司馬楚之 卷一四八 盧元 高允 崔鑒 崔辯 崔挺 李靈 李璨 李順 李孝伯 李裔 李義深 游 雅 高閭 趙逸 胡方回 胡叟 張湛 段承根 宗欽 闕駟 劉昞 趙柔 索敞 宋繇 江式 卷一四九 王慧龍 鄭羲 薛辯 韓茂 皮豹子 封 勅文 呂羅漢 孔伯恭 田益宗 孟表		一二〇—四七三 一二〇—五二九 一二〇—五八七	

書名	卷次	頁次	作者
奚康生 楊大眼 崔延伯 李叔仁 裴駿 裴延儻 薛真度 劉休賓 房法壽 畢 衆敬 羊深 韓麒麟 程駿 李彪 高道 悦 甄琛 高總			

欽定四庫全書薈要

史部
通志卷一百三十六

詳校官員外郎臣楊世綸

欽定四庫全書薈要卷九千五十三 史部

通志卷一百三十六

宋 右廸功郎鄭樵漁仲撰

宋史列傳第四十九

沈慶之 慶之弟 子文秀 沈攸之 邕之 邊榮 程 宗慤

柳元景 殷孝祖 族子 琰 劉勔 魯爽 弟 薛安都

鄧琬 劉宗越 譚金 童太一 吳喜 黃回 王宜興 高道慶

欽定四庫全書 通志 卷一百三十六

沈慶之字弘先吳興武康人也少有志力晉末孫恩作亂使其眾寇武康慶之未冠隨鄉族擊之屢捷由是以勇聞荒擾之後鄉邑離散慶之躬耕壟畝勤苦自立年三十未知名兄敞之為趙倫之征虜參軍監南陽郡擊蠻有功遂即真慶之往襄陽省兄倫之見而賞之倫之子伯符為竟陵太守倫之命伯符版為寧遠中兵參軍時竟陵蠻屢為寇慶之為設規略每擊破之伯符由此致將帥之稱永初二年慶之除殿中員外將軍又隨伯

欽定四庫全書

通志
卷一百三十六

二

符隸到彥之北侵伯符病歸慶之仍隸檀道濟道濟北伐還白文帝稱慶之忠謹曉兵上使領隊防東掖門稍得引接出入禁省領軍劉湛知之欲相引接謂之曰卿在省年月久比當相論慶之正色曰下官在省十年自應得轉不復以此仰累尋為正員將軍及湛被收之夕上開門召慶之慶之戎服履屨縛袴入上見而驚曰卿何意乃爾急裝慶之曰夜半喚隊主不容緩服乃遣收吳郡太守劉斌殺之元嘉十九年雍州刺史劉道產卒羣蠻大動征西司馬朱脩之討蠻失利以慶之為建威將軍率眾助脩之脩之失律下獄慶之專軍進討大破緣沔諸蠻擒生口七千人後為孝武撫軍中兵參軍孝武以本號為雍州隨府西上時蠻寇太甚水陸梗阻孝武不得進遣慶之掩討大破之降二萬口孝武至鎮而驛道蠻反慶之又討之平定諸山獲七萬餘口又翦定鄖山蠻擒三萬餘口還都復為廣陵王誕北中郎中兵參軍加建威將軍南濟陰太守雍州蠻又為寇慶之以

欽定四庫全書

通志
卷一百三十六

三

將軍太守復隨誕入沔及至襄陽率後軍中兵參軍柳元景隨郡太守宗慤等伐沔北諸山蠻大破之威震諸山羣蠻皆稽顙歸順慶之患頭風常好着狐皮帽羣蠻惡之號曰蒼頭公每見慶之軍輒畏懼曰蒼頭公已復來矣慶之引軍出前後破降甚眾又討犬羊諸山蠻緣險築重城施門櫓甚峻慶之連營山下營中開門相通又令諸軍各穿池於營內朝夕不外汲兼以防蠻之火頃之風甚蠻夜下山人提一炬燒營火至輒以池水灌滅之蠻被圍守日久並飢乏自後稍出歸附慶之前後所獲之蠻並移京邑以為營戶二十七年遷太子步兵校尉其年文帝將北侵慶之諫曰馬步不敵為日已久請舍遠事且以到彥之檀道濟言之道濟再行無功彥之失利而反今料王元謨等未踰兩將六軍之盛不過往時恐重辱王師難以得志上曰王師再屈別有所由道濟養寇自資彥之中塗疾動虜所恃唯馬夏水浩大泛舟濟河礪礪必走滑臺小戍易可覆拔剋此二戍

館穀弔民虎牢洛陽自然不固比及冬間城守相接胡馬過河便成禽也慶之又固陳不可時丹陽尹徐湛之吏部尚書江湛並在坐上使湛之等難慶之慶之曰爲國譬如治家耕當問奴織當問婢陛下今欲伐國而與白面書生輩謀之事何由濟上大笑及軍行慶之副元謨元謨進圍滑臺慶之與蕭斌留守碣磔仍領斌輔國司馬元謨攻滑臺積旬不拔魏太武大軍南向斌遣慶之將五千人救元謨慶之曰少軍輕往必無益也會元謨退還碣磔斌欲斬之慶之固諫乃止文帝後問何故諫殺元謨對曰諸將奔退莫不懼罪自歸而死將至逃散大敵方至未宜自弱是以諫耳帝嘉之蕭斌以前驅敗績欲死固碣磔慶之曰深入寇境規求所欲退敗如此何可久住會詔使至不許退斌復問計於慶之慶之曰閫外之事將軍所專詔從遠來事勢已異節下有一范增而不能用空議何施斌及坐者並笑曰沈公乃更學問慶之厲聲曰衆人雖見古今不如下官耳學也元

謨自以退敗求成碣磔斌乃還歷城中坦坦護之共據清口慶之奔驛馳歸二十九年師復行慶之固諫不從以立議不同不使北出是時亡命司馬黑石廬江叛吏夏侯方進在西陽五水謹動羣蠻自淮汝間至江沔咸離其患乃遣慶之督諸將討之制江豫荆雍並遣軍受慶之節度三十年孝武出次五洲總統羣帥慶之從巴水出至五洲詔受軍略會孝武典籤董元嗣自建鄴還陳元凶弒逆孝武遣慶之引諸軍慶之謂腹心曰蕭斌婦人不足數其餘將帥並易與耳今輔順討逆不憂不濟也時元凶密與慶之書令殺孝武慶之入求見孝武稱疾不敢見慶之突前以元凶手書呈簡孝武泣求入內與母辭慶之曰下官受先帝厚恩常願報德今日之事唯力是視殿下何見疑之深帝起再拜曰國家安危在於將軍慶之即勒內外處分府主簿顏竣聞慶之至馳入見帝曰今西方尚未知義師之舉而劬據有天府首尾不相應赴此危道也宜待諸鎮脣齒然後舉事慶

之厲聲曰今方興大事而黃頭小兒皆參預此禍至矣

宜斬以徇衆帝曰竣何不拜謝竣起再拜慶之曰君但

當知筆札之事於是處分旬日內外整辦時皆謂神兵

百姓欣悅衆軍既集假慶之爲武昌內史領府司馬孝

武還至尋陽慶之柳元景並以天下無主勸孝武即位

不許賊劭遣慶之門生錢無忌齎書說慶之解甲慶之

執無忌白之孝武踐阼以慶之爲領軍將軍尋出爲南

兖州刺史加都督鎮盱眙封南昌縣公孝建元年正月

欽定四庫全書

通志
卷一百三十六

六

魯爽等反遣慶之與薛安都等往討之安都臨陣斬爽

進慶之鎮北大將軍尋與柳元景俱開府儀同三司固

辭改封始興郡公慶之以年滿七十固請辭事上嘉其

意許之以爲侍中左光祿大夫開府儀同三司又固讓

乃至稽顙自陳言輒涕泣上不能奪聽以郡公罷就第

月給錢十萬米百斛衛吏五十人大明三年司空竟陵

王誕據廣陵反復以慶之都督南兖徐三州諸軍事車

騎大將軍開府儀同三司率衆討之誕遣客沈道愍齎

書說慶之餉以玉鐐刀慶之遣道愍反數以罪惡慶之

至城下誕登城謂曰沈公君白首之年何爲來此慶之

曰朝廷以君狂愚不足勞少壯故使僕來耳慶之塞塹

造攻道立行樓土山并諸攻具時夏雨不得攻城上使

御史中丞庾徽之奏免慶之官以激之制無所問誕餉

慶之食提挈者百餘人慶之不開悉焚之誕於城上投

函表令慶之爲送慶之曰我奉制討賊不能爲汝送表

每攻城慶之輒身先士卒上戒之曰卿爲督帥當令處

欽定四庫全書

通志
卷一百三十六

七

分有方何須身受矢石邪自四月至七月乃屠城斬誕

進慶之司空又固讓爵於是與柳元景並依晉密陵侯

鄭袤故事朝會慶之位次司空元景在從公之上給卹

吏五十人門施行馬初慶之嘗夢引鹵簿入廁中慶之

甚惡入廁之鄙時有善占夢者爲解之曰君必大富貴

然未旦夕問其故答云鹵簿故是富貴容廁中所謂

後帝也知君富貴不在今主及中興之功自五校至是

而登三事四年西陽五水蠻復爲寇慶之以郡公統諸

軍討平之慶之居清明門外有宅四所室宇甚麗又有園舍在婁湖慶之一夜攜子孫徙居之以宅還官悉移親戚中表於婁湖列門同開焉廣開田園之業每指地語人曰錢盡在此慶之中興初身享大國家素富厚產業累萬金奴僮千計再獻錢千萬穀萬斛以始興封優近求改封南海郡不許妓妾十數人並美容工藝慶之優游無事盡意歡愉自非朝賀不出門每從遊幸及校獵據鞍陵厲不異少壯太子妃上孝武金鏤七筋及杆

欽定四庫全書

通志
卷一百三十六

八

杓上以賜慶之曰觴爵之賜宜以大夫爲先也上嘗歡飲普令羣臣賦詩慶之粗有口辯手不知書眼不識字上逼令作詩慶之曰臣不知書請口授師伯上即令顏師伯執筆慶之曰微生值多幸得逢時運昌朽老筋力盡徒步還南岡辭榮此聖世何愧張子房上甚悅衆坐稱其詞意之美孝武晏駕慶之與柳元景等並受顧命遺詔若有大軍旅及征討悉委慶之前廢帝立加慶之几杖給三望車一乘慶之每朝賀常乘猪鼻無幘車左

右從者不過三五騎履行園田政一人視馬而已每農桑劇日無人從行遇之者不知三公也及加三望車謂人曰我每遊履園田有人時則與馬成三無人時則與馬成二今乘此車安所之乎及賜几杖並固讓柳元景顏師伯嘗詰慶之會其遊田元景等鳴笳列卒滿道慶之獨與左右一人在田見之悄然改容曰夫貧賤不可居富貴亦難守吾與諸公並出貧賤因時際會榮貴至此唯當共思損挹之事老子八十之年目見成敗者已

欽定四庫全書

通志
卷一百三十六

九

多諸君炫此車服欲何爲乎於是插杖而耘不爲之顧元景等微侍褰裳從之慶之乃與相對爲歡慶之既通貴鄉里老舊素輕慶之者後見皆膝行而前慶之歎曰故是昔時沈公時諸沈爲劫者數十人士民悲患之慶之詭爲置酒大會於坐一時殺之於是合境肅清人皆喜悅廢帝狂悖無道衆咸勸慶之廢立及柳元景等連謀以告慶之慶之與江夏王義恭不厚發其事帝誅義恭元景等以慶之爲侍中太尉及義陽王昶反慶之從

帝渡江總統衆軍帝凶暴日甚慶之猶盡言諫諍帝意稍不悅及誅何邁慮慶之不同量其必至乃開青溪諸橋以絕之慶之果往不得度而歸帝又忌慶之乃遣其從子攸之齎藥賜慶之死時年八十是歲旦慶之夢有人以兩疋絹與之謂曰此絹足度慶之寤而謂人曰老子今年不免兩疋八十尺也足度無盈餘矣乃死贈賻甚厚追贈侍中太尉如故給鸞輅輜輶車前後羽葆鼓吹諡曰忠武公未及葬帝敗明帝即位追贈侍中司空

欽定四庫全書

通志
卷一百三十六

十一

諡曰襄公太始七年改封蒼梧郡公慶之羣從婚戚由慶之在列位者數十人長子文叔位侍中慶之之死也不肯飲藥攸之以被掩殺之文叔密取藥藏錄或勸文叔逃避文叔見帝斷截江夏王義恭支體慮奔亡之日帝怒容致義恭之變乃飲藥自殺文叔子昭明位祕書郎聞父死曰何忍獨生亦自縊死元徽元年還復先封時改始興爲廣興昭明子曇亮襲廣興郡公齊受禪國除慶之次子文季與昭明昭略列在齊史慶之弟邵之

南中郎行參軍邵之子文秀字仲遠前廢帝時累遷青州刺史將之鎮部曲出次白下文秀說慶之以帝狂悖禍在難測欲以見衆圖之慶之不從及行慶之果見害帝又遣直閣將軍江方興領兵誅文秀未至而明帝已定亂時晉安王子勛據尋陽文秀與徐州刺史薛安都等並同子勛反尋陽平定明帝遣其弟文景喻之文秀即歸命請罪詔即安本任泰始四年封新城縣侯先是冀州刺史崔道固亦據城同反與文秀遣使引魏魏遣

欽定四庫全書

通志
卷一百三十六

十一

慕容白曜援之及白曜至而文秀已受朝命遂嬰城固守文秀善於撫馭被圍三載無叛者五年竟爲白曜所剋城陷文秀取所持節衣冠儼然坐齋內亂兵入曰文秀何在文秀厲聲曰身是兵人執而裸送于白曜左右令拜文秀曰各二國大臣無相拜禮白曜忿之因至搗撻後還其衣爲之設饌與長史房天樂司馬沈嵩等鎖送代京面縛數罪宥死待爲下客給以麤衣蔬食魏獻文重其節稍亦嘉禮之拜外都下大夫孝文帝初遷外

都大官孝文嘉其忠於國賜絹絲二百匹後爲南征都將臨發賜以戎服除懷州刺史假吳郡公文秀在州政尚清節不能禁止盜賊然大興水田於公私頗有利益卒官子保冲後爲徐州冠軍長史坐據清口退敗有司處之死刑孝文詔保冲文秀之子可特原命配洛陽作部終身宣武時卒於下邳太守房天樂者清河人滑稽多智文秀拔爲長史督齊郡州事一以委之卒於洛陽弟子嘉慶漁陽太守

欽定四庫全書

通志
卷一百三十六

十三

沈攸之字仲達司空慶之之從父兄子也父叔仁爲衡陽王義李征西府長史兼行參軍領隊攸之少孤貧元嘉二十七年魏軍南攻朝廷發三吳民丁攸之亦被發及至建鄴詣領軍將軍劉遵考求補白下隊主遵考以爲形陋不堪攸之歎曰昔孟嘗身長六尺爲齊相今求士取肥大者哉因隨慶之征討二十九年征西陽蠻始補隊主巴口建義授南中郎將版長兼行參軍新亭之戰身被重創事寧爲太尉行參軍封平洛縣五等侯隨

欽定四庫全書

通志
卷一百三十六

十三

府轉大司馬行參軍晉世京邑二岸揚州舊置都部從事分掌二縣非違永和初以後罷省孝建三年復置其職攸之掌北岸會稽孔瑯掌南岸後又罷攸之遷員外散騎侍郎又隨慶之征廣陵屢有功被箭破骨孝武以其善戰配以仇池步稍事平當加厚賞爲慶之所抑遷太子旅賁中郎攸之甚恨之前廢帝景和元年除豫章王子尚車騎中兵參軍直閭與宋越譚金等並爲廢帝所寵誅戮羣公攸之等皆爲之用命封東興縣侯明帝即位以例削封尋告宋越譚金等謀反復召爲直閭會四方反叛南賊已次近道以攸之爲寧朔將軍尋陽太守率軍據虎檻時王元謨爲大統未發前鋒有五軍在虎檻五軍後又駱驛繼至每夜各立姓號不相稟受攸之謂軍吏曰今衆軍同舉而姓號不同若有耕夫漁婦夜相呵叱便致駭亂此敗道也請就一軍取號衆咸從之殷孝祖爲前鋒都督大失人情攸之內撫將士外諧羣帥衆並安之時殷孝祖中流失死軍主范潛率五百人投賊

人情震駭並謂攸之宜代孝祖爲統時建安王休仁屯虎檻總統衆軍聞孝祖死遣寧朔將軍江方興龍驤將軍劉靈遺各率三千人赴赭圻攸之以爲孝祖既死賊有乘勝之心明日若不更攻則示之以弱方興名位相亞必不爲已下軍政不一致敗之由乃率諸軍主詣方興推重并慰勉之方興甚悅攸之既出諸軍主並尤之攸之曰卿忘廉藺賈寇事邪吾本以濟國活家豈計此之升降明旦進戰自寅訖午大破賊於赭圻尋進號輔

欽定四庫全書

通志
卷一百三十六

十四

國將軍代孝祖督前鋒諸軍事薛常保等在赭圻食盡南賊大帥劉胡屯濃湖以囊盛米繫流查及船腹陽覆船順風流下以餉赭圻攸之疑其有異遣人取船及流查大得囊米尋赧赭圻遣寧蠻校尉雍州刺史加都督袁顗復率大衆來入鵠尾相待既久軍主張興世越鵠尾上據錢溪劉胡自攻之攸之率諸將攻濃湖錢溪信至大破賊攸之悉以錢溪所送胡軍耳鼻示之顗駭懼急追胡還攸之諸軍悉力進攻多所斬獲胡於是棄衆

而奔顗亦奔走赭圻濃湖之平也賊軍委棄資財珍貨山積諸軍各競收斂以彊弱爲多少多唯攸之與張興世約勒所部不犯秋毫諸將以此多之攸之進平尋陽遷中領軍封貞陽縣公時劉遵考爲光祿大夫攸之在御坐謂遵考曰形陋之人今何如帝問之攸之依實對帝大笑累遷郢州刺史爲政刻暴或鞭士大夫上佐以下忤意輒面加詈辱而曉達吏事自彊不息士民畏憚人莫敢欺聞有虎輒自圍捕往無不得一日或得兩三或

欽定四庫全書

通志
卷一百三十六

十五

逼暮不禽則宿昔圍守賊斂嚴苦徵發無度繕治船舸營造器甲自至夏口便有異圖進監豫司之二郡軍事進號領軍將軍泰豫元年明帝崩攸之與蔡興宗並在外藩同豫顧命會巴西人李承明反蜀士騷擾時荊州刺史建平王景素被徵新除荊州刺史蔡興宗未之鎮乃遣攸之權行荊州事會承明已平乃以攸之都督荆湘雍益梁寧南北秦八州諸軍事鎮西將軍荊州刺史至荊州聚斂兵力養馬至二千餘疋皆分賦邏將士使

耕田而食廩財悉充倉儲荊州作部歲送數千人仗攸之割留之簿上云供討四山蠻裝戰艦數百千艘攸之靈溪裏錢帛器械山積時幼主在位羣公當朝攸之漸懷不臣之迹朝廷制度無復遵奉富貴擬於王者夜中諸廂廊然燭達旦後房服珠玉者數百人皆一時絕貌江州刺史桂陽王休範密有異志欲以微旨動攸之使道士陳公昭作天公書一函題云沈丞相送付攸之門者攸之不開書推檢得公昭送之朝廷後廢帝元徽二

欽定四庫全書

通志
卷一百三十六

十六

年休範舉兵襲京邑攸之謂僚佐曰桂陽今逼朝廷必聲言吾與之同若不顛沛勤王必增朝野之惑於是遣使受郢州刺史晉熙王燮節度會休範平使乃還進攸之號征西大將軍開府儀同三司固辭開府攸之自擅閫外朝廷疑憚之累欲徵入慮不受命乃止四年建平王景素據京城反攸之復應朝廷景素尋卒時有臺直閭高道慶家在江陵因休在家牒其親戚十餘人求州從事西曹攸之唯用三人道慶大怒自入州取教毀之

而去道慶素便馬攸之與宴飲於廳事前合馬槩道慶槩中攸之馬鞍攸之怒索刀槩道慶馳馬而出還都說攸之反狀請三千人襲之朝議慮其難濟齊高帝又保持不許楊運長等常相疑畏乃與道慶密遣刺客齋廢帝手詔以金餅賜攸之州府佐吏進其階級時有象三頭至江陵城北數里攸之自出格殺之忽有流矢集攸之馬鄣泥其後刺客事發廢帝亦殞順帝即位進攸之號車騎大將軍開府儀同三司齊高帝遣攸之長子司徒長史元琰齋廢帝剗斮之具以示攸之元琰至江陵攸之大怒曰吾寧爲王陵死不作賈充生尚未得即起兵乃上表稱慶并與齊高帝書云少帝昏狂宜與諸公密議共白太后下令廢之奈何交結左右親行弑逆移易朝舊布置親黨宮閣管籥悉關他人吾不知子孟孔明遣訓固如是乎足下既有賊宋之心吾敢捐包胥之節書至朝廷恒懼攸之有素書十數行常韜兩襠角云是明帝與已約誓又皇太后使至賜攸之燭十挺割之

欽定四庫全書

通志
卷一百三十六

十七

得太后手令曰國家之事一以委公其年十一月便舉

兵其妾崔氏許氏諫曰官年已老那不爲百口作計攸

之指兩襠角以示之攸之素畜士馬資用豐積至是戰

士十萬鐵馬三千遣使要雍州刺史張敬兒梁州刺史

晁柏年司州刺史姚道和湘州行事庾珮玉巴陵內史

王文和等敬兒文和斬其使馳表以聞柏年道和珮玉

懷兩端密相應和十二月十二日攸之遣軍相繼下攸

之自率大衆至夏口攸之將發江陵使沙門釋僧粲筮

欽定四庫全書

通志
卷一百三十六

十九

之云不至京邑當自郢州回還意甚不悅初發江津有

氣狀如塵霧從西北來正蓋車上攸之聞齊高帝世子

據盆口震懾不敢下因盡銳攻郢城齊高帝遣衆軍西

討尚書符珪西府募得攸之有重賞并聲其罪惡齊高

帝出頓新亭攸之攻郢城日久屢爲郢州行事柳世隆

所破衆於是離散不可復制昇明二年還向江陵聞城

已爲張敬兒所據無所歸乃與第三子中書侍郎文和

至華容之鱣頭林投州吏家此吏嘗爲攸之所鞭至是

待攸之甚厚不以往罰爲怨殺牝薦食既而村人欲取

之攸之於櫟林與文和俱自經死村人斬首送都或割

其腹心有五竅征西主簿荀昭先以家財葬攸之攸之

晚好讀書手不釋卷史漢事多所記憶常嘆曰早知窮

達有命悔不十年讀書及攻郢城夜嘗風浪米船沈沒

倉曹參軍崔靈鳳女先適柳世隆子攸之正色謂曰當

今軍糧要急而卿不任在由與城內婚姻邪靈鳳答

曰樂廣有言下官豈以五男易一女攸之惓然意解攸

欽定四庫全書

通志
卷一百三十六

十九

之招集才力之士隨郡人雙泰真有幹力召不肯來攸

之遣二十人被甲追之泰真射殺數人欲過家將母去

事迫不獲單身走入蠻追者既失之錄其母去泰真既

失母乃自歸攸之不之罪曰此孝子也賜錢一萬轉補

隊主其抑情待士如此初攸之賤時與吳郡孫超之全

景文共乘一小船出京都三人共上引棹有人止之而

相之曰君三人皆當至方伯攸之曰豈有三人而俱有

此事相者曰骨法如此若有不驗便是相書誤耳其後